

starogradski

OPĆINA STARI GRAD  
SARAJEVO



MUNICIPALITY OF STARI  
GRAD SARAJEVO

# haber



BESPLATAN PRIMJERAK ● JANUAR, 2025., broj 62.

## Osiguran nastavak projekata u Starom Gradu i u 2025. godini



Zahvaljujući ministru Šteti nastavljaju se milionska ulaganja



Gradonačelnik Puharić nastavio dobru saradnju sa Općinom Stari Grad



Ministar Helez i načelnik Čengić: Dom OS BiH će dobiti novi sjaj

- 3-5 Lokalni izbori 2024. godine
- 6-7 Projekti u najavi
- 8-10 Aktuelni projekti u Starom Gradu
- 12-15 Općinsko vijeće Stari Grad Sarajevo
- 16 Klizište i evakuacija
- 18-19 Rad za dobrobit zajednice
- 18-19 Podrška mladim
- 22-23 "Oldtown Fairytale"
- 24-25 Novogodišnji praznici



## Impressum

- Izdavač:** Općina Stari Grad Sarajevo
- Pripremili:** Alma Imamović  
Jasenka Jašarević  
Nedim Šahović  
Mirna Pecikoza
- DTP:** Safet Mališević
- Fotografije:** Haris Karamehmedović  
Senad Česko  
Admir Kuburović
- Štampa:** Grafika Šaran d.o.o.
- Tiraž:** 2000
- Adresa:** Zelenih beretki br. 4  
71000 Sarajevo
- web:** www.starigrad.ba
- e-mail:** info@starigrad.ba
- Telefon:** +387 33 282 491



## Podrška predsjednika Bećirovića

# Radni sastanak načelnika Čengića i člana Predsjedništva Bećirovića



Koristan sastanak načelnika Čengića sa predsjednikom Bećirovićem

**N**ačelnik Općine Stari Grad Sarajevo, Irfan Čengić, bio je na radnom sastanku sa članom Predsjedništva Bosne i Hercegovine, Denisom Bećirovićem. Tokom susreta, Bećirović je čestitao Čengiću na preuzimanju funkcije i izrazio spremnost za saradnju u rješavanju ključnih pitanja koja se tiču razvoja Starog Grada.

Na sastanku je naglašena važnost zajedničkog djelovanja u cilju poboljšanja kvaliteta života građana, kako na lokalnom, tako i na širem nivou.

Načelnik Čengić zahvalio je na

podrsci i naglasio da će fokus njegovog rada biti na projektima koji imaju direktan uticaj na građane, uz poseban akcenat na održivi razvoj i modernizaciju infrastrukture. „Saradnja s institucijama na svim nivoima vlasti ključna je za postizanje napretka. Siguran sam da ćemo s gospodinom Bećirovićem i drugim partnerima ostvariti značajne pomake u narednom periodu“, istakao je načelnik Čengić.

Ovaj susret označava početak intenzivne saradnje između lokalnih i državnih institucija, čiji je cilj kontinuirani razvoj i prosperitet za sve građane.



Saradnja svih državnih institucija ključna za dobrobit građana



# Irfan Čengić zvanično preuzeo mandat načelnika Općine Stari Grad Sarajevo



Uručivanje uvjerenja o dodjeli mandata Irfanu Čengiću, načelniku Općine Stari Grad Sarajevo, u Centralnoj izbornoj komisiji BiH

**Irfan Čengić je na nedavnim Lokalnim izborima 2024. ostvario ubjedljivu pobjedu, čime je osigurao novi mandat u Općini Stari Grad Sarajevo ● Ispunjena su ključna obećanja iz prvih 100 dana, pokrenuti i realizovani brojni projekti vrijedni više miliona maraka**

Irfan Čengić, načelnik Općine Stari Grad Sarajevo, zvanično je 18.11.2024. godine preuzeo svoj mandat u Centralnoj izbornoj komisiji Bosne i Hercegovine. Ovaj korak uslijedio je nakon što je CIK BiH 5. novembra potvrdio rezultate Lokalnih izbora 2024. godine, čime su stečeni uslovi za uručenje uvjerenja o dodjeli mandata novoizabranim gradonačelnicima i načelnicima.

Irfan Čengić je na nedavnim lokalnim izborima ostvario ubjedljivu pobjedu, čime je osigurao novi mandat u Općini Stari Grad Sarajevo.

„Zahvalan sam građanima Starog Grada koji su mi ukazali povjerenje da služim na ovoj važnoj dužnosti. Preuzeo sam novi mandat, a naredne 4 godine ću vrijedno služiti ljudima u našoj općini“, istakao je načelnik Čengić nakon preuzimanja mandata.

## Realizovani brojni projekti vrijedni više miliona maraka

„Ispunili smo ključna obećanja iz prvih 100 dana, pokrenuli i realizovali

brojne projekte vrijedne više miliona maraka. Ovi rezultati nisu bili mogući bez jasne vizije i snažne podrške Vlade Kantona Sarajevo, Vlade Federacije Bosne i Hercegovine i Grada Sarajeva. Naša Općina naslijedila je ozbiljne finansijske poteškoće, među kojima su neizmireni krediti i presude koje je ostavila prethodna administracija. Ipak, uz sve izazove, uspjeli smo postaviti temelje za stabilnost i napredak,“ istakao je načelnik Čengić.



Načelnik Čengić i Irena Hadžabdić, predsjednica Centralne izborne komisije BiH

### Usvojena Strategija razvoja Općine do 2027. godine

„Usvojili smo Strategiju razvoja Općine Stari Grad do 2027. godine, kojom smo definisali strateške ciljeve i projekte vrijedne više od 60 miliona KM. Naša pažnja usmjerena je na ključna pitanja: unapređenje infrastrukture u skladu s potrebama građana, povećanje socijalne inkluzije, očuvanje okoliša i održivo upravljanje resursima, kao i poboljšanje kvalitete života za sve generacije, od mladih do starijih sugrađana. Brojni su izazovi pred nama, ali vjerujem da samo predanim radom, upomošću i strateškim pristupom možemo ostvariti dugoročnu stabilnost i bolji život za sve naše sugrađane,“ poruka je načelnika Čengića.

## Lokalni izbori 2024.

# Rekordan procenat glasova i pobjeda Irfana Čengića na Lokalnim izborima: Osvojio 9.050 glasova ili 64,42%

**Pravo učešća na Lokalnim izborima 2024 za načelnika Općine Stari Grad Sarajevo imala su dva politička subjekta, a ukupan broj registrovanih birača na području općine Stari Grad Sarajevo iznosio je 36.028.**



*Lokalni izbori održani u oktobru, 2024. godine*

**N**edavno održani Lokalni izbori 2024. za načelnika Općine Stari Grad Sarajevo privukli su veliku pažnju javnosti. Ovi izbori održani su u nedjelju, 06. oktobra 2024. godine, prema odluci Centralne izborne komisije Bosne i Hercegovine.

Općina Stari Grad Sarajevo je na dan izbora otvorila 46 biračkih mjesta, osiguravajući tako neometano glasanje svojim građanima. Na Lokalnim izborima 2024. za načelnika Općine Stari Grad Sarajevo bila su prijavljena dva kandidata, a ukupan broj registrovanih birača na području općine Stari Grad Sarajevo iznosio je 36.028. Izborni proces protekao je bez problema, Općinska izborna komisija Stari Grad je uložila znatne napore kako bi se osigurala adekvatna priprema i provedba Lokalnih izbora 2024.

Provedena je obavezna edukacija za predsjednike i članove biračkih odbora i njihovih zamjenika, uključujući testiranje i certificiranje, a sve s ciljem osiguranja stručnosti i kvalitetnog vođenja biračkih mjesta na dan izbora. Također, urađen je i proces akreditovanja posmatrača za nadgledanje izbornih aktivnosti izborne komisije, Centra za birački spisak,

biračkih mjesta i drugih izbornih mjesta. Oni koji su zbog starosti, bolesti ili invalidnosti bili spriječeni da glasaju na biračkim mjestima, svoje pravo ostvarili su putem mobilnih timova. Općinska izborna komisija Stari Grad je primila 147 zahtjeva za ovakav način glasanja te je formirano sedam mobilnih timova koji su obilazili teren na dan izbora.



*Veliki broj građana Starog Grada glas dao Irfanu Čengiću*

### Ubjedljiva pobjeda Irfana Čengića na Lokalnim izborima 2024.

Prema potvrđenim rezultatima, Irfan Čengić (SDP) ostvario je ubjedljivu pobjedu na Lokalnim izborima 2024. godine, osvajajući 9.050 glasova, odnosno 64,42 %. Drugi po broju glasova bio je Dženan Selimbegović (SDA), koji je osvojio 4.998 glasova, odnosno 35,58 %. Ukupan broj obrađenih listića iznosio je 15.242, dok je broj važećih listića bio 14.048.

# Rezultati Lokalnih izbora 2024 po biračkim mjestima

Najviše građana svoje biračko pravo ostvarilo je u mjesnoj zajednici Mošćanica, potom u mjesnoj zajednici Vratnik, te mjesnoj zajednici Logavina. Najmanji broj birača glasao je u mjesnoj zajednici Ferhadija.

Biračko mjesto	Mjesna zajednica	Glasova	
137A001	Širokača	204	112
137A002	Širokača	167	110
137A003	Širokača	184	131
137A004	Toka - Džeka	114	98
137A005	Toka - Džeka	150	72
137A006	Mahmutovac	183	87
137A007	Mahmutovac	150	88
137A008	Mahmutovac	168	84
137A009	Hrid - Jarčedoli	193	123
137A010	Hrid - Jarčedoli	225	134
137A011	Hrid - Jarčedoli	179	204
137A012	Babića Bašča	155	144
137A013	Babića Bašča	162	90
137A014	Bistrik	187	112
137A015	Bistrik	204	92

Biračko mjesto	Mjesna zajednica	Glasova	
137A016	Bistrik	210	99
137A017	Bistrik	179	97
137A018	Mjedenica	201	79
137A019	Mošćanica	249	142
137A020	Mošćanica	344	94
137A021	Mošćanica	305	87
137A022	Mošćanica	266	133
137A023	Vratnik	207	134
137A024	Vratnik	252	137
137A025	Vratnik	207	148
137A026	Vratnik	203	87
137A027	Kovači	160	112
137A028	Kovači	145	107
137A029	Sumbuluša	162	118
137A030	Sumbuluša	209	141

Biračko mjesto	Mjesna zajednica	Glasova	
137A031	Medrese	250	92
137A032	Medrese	191	111
137A033	Medrese	134	105
137A034	Medrese	206	113
137A035	Sedrenik	204	101
137A036	Sedrenik	203	125
137A037	Sedrenik	259	108
137A038	Logavina	169	66
137A039	Logavina	139	90
137A040	Logavina	176	91
137A041	Logavina	192	103
137A042	Logavina	188	123
137A043	Bašćaršija	188	93
137A044	Bašćaršija	169	80
137A045	Bašćaršija	153	61
137A046	Ferhadija	169	70

## Uputstvo za korištenje tabele rezultata Lokalnih izbora po biračkim mjestima

Ova tabela sadrži rezultate Lokalnih izbora 2024. po biračkim mjestima. Kockice u tabeli obojene u crveno su pobjednički rezultati kandidata Irfana Čengića. Kockice u tabeli obojene u zeleno su pobjednički rezultati kandidata Dženana Selimbegovića.

## Potpisan Sporazum o finansiranju druge faze projekta "Muzeja Berber"

Ovaj kapitalni projekat u oblasti kulture zajedno realizuju Općina, Kanton Sarajevo i Vlada FBiH. Ministarstvo kulture i sporta Kantona Sarajevo na čelu sa ministrom Kenanom Magodom, u prošloj godini izdvojilo je 300.000 KM za projekat "Muzeja Berber" u Starom Gradu, a u 2024. godini je obezbjeđeno dodatnih 600.000 KM. Načelnik Općine Stari Grad Irfan Čengić i ministar Magoda potpisali su Sporazum o finansiranju druge faze.

Ranije je potpisan Okvirni sporazum o izvođenju radova na izgradnji poslovnog objekta "Muzej Berber", a radovi na ovom objektu su u toku.

Ukupna vrijednost ovog projekta iznosi gotovo 1,5 miliona KM, a cilj je očuvanje kulturnog naslijeđa u srcu Sarajeva, sa posebnim fokusom na rad i ostavštinu velikana umjetnosti, Mersada Berbera.



Stari Grad će čuvati sjećanje na velikog Mersada Berbera



## Projekti u najavi



# Počinje obnova Doma Oružanih snaga BiH

**Ugovor o izboru izvođača za izvođenje građevinskih radova sanacije su potpisali načelnik Općine, Irfan Čengić, i direktor Građevinskog društva "Bišina" d.o.o. Mostar, Mirsad Bajgorić, u prisustvu ministra odbrane BiH, Zukana Heleza**

**U** Domu Oružanih snaga Bosne i Hercegovine, nacionalnom spomeniku BiH je 14.11.2024. godine potpisan Ugovor o izboru izvođača za izvođenje građevinskih radova sanacije spoljašnosti objekta. Ugovor su potpisali načelnik Općine Stari Grad Sarajevo, Irfan Čengić, i direktor Građevinskog društva "Bišina" d.o.o. Mostar, Mirsad Bajgorić, u prisustvu ministra odbrane BiH, Zukana Heleza. Prisutni su bili i Komandant EUFOR Misije u BiH major general Laszlo Sticz i načelnik NATO štaba brigadir Ferenc Kiss.

Načelnik Čengić istakao je važnost obnove Doma Oružanih snaga BiH kao ključnog reprezentativnog objekta za vojsku, ali i za Stari Grad i Grad Sarajevo.

"Dom Oružanih snaga BiH je nama važan sa dva aspekta, prije svega kao reprezent naših Oružanih snaga BiH koje koriste ovaj objekat, a koji mora biti dostojan našoj vojsci i svim prijateljima širom svijeta koji nam dolaze u posjetu. Sa druge strane, on je slika naše općine i Grada Sarajeva i važno je da obnovimo ovaj prelijepi objekat i u drugoj fazi napravimo trg sa fontanom i dobijemo novo mjesto susreta, manifestacija i novi trg koji je zapravo tu nekada i bio. Za-

hvaljujem ministru Zukanu Helezu na saradnji kao i Vladi FBiH i KS na podršci ovom projektu", istakao je načelnik Čengić.

Ministar Helez govorio je o historiji i značaju ovog objekta, s naglaskom da je Dom bio središte kulture i kulturnog života grada Sarajeva. Zahvalio se načelniku Čengiću koji je prepoznao značaj ovog objekta, kao i premijeru Nikšiću i ministru finansija Toniju Kraljeviću na podršci u ovom projektu. "Odnos prema kulturnim i nacionalnim spomenicima nije odnos prema drugome, to je odnos prema nama", naglasio je ministar Helez.

**Vrijednost projekta oko 2 miliona KM**

Vrijednost projekta iznosi gotovo 2 miliona KM. Dijelom će biti finansiran sredstvima Vlade Federacije Bosne i Hercegovine i Kantona Sarajevo, dok će ostatak sredstava osigurati Općina Stari Grad Sarajevo. Predviđeni su radovi na uređenju spoljašnosti i dijelova krova objekta Doma Oružanih snaga BiH, kao i zamjeni kompletne stolarje. Za izvođenje ovih radova su obezbijedene sve potrebne saglasnosti nadležnih institucija.



*Ministar Helez i načelnik Čengić*

# Obnova Bistrik kule:

## Novi početak za historijski dragulj Starog Grada i Sarajeva

**Bistrik kula će, nakon obnove, postati još jedno mjesto od velikog značaja za građane i turiste, povezivajući prošlost i sadašnjost kroz jedinstvenu priču o Sarajevu**

**B**istrik kula, imponantna austrougarska tvrđava na Čolinoj kapi, od neprocjenjivog je značaja za historiju i identitet Sarajeva. Ova građevina, koja je dio kompleksa Astronomske opservatorije na Trebeviću, svjedoči o bogatoj prošlosti glavnog grada Bosne i Hercegovine. Projekat njene obnove donosi priliku za očuvanje ovog vrijednog kulturno-historijskog spomenika i njegovo uključivanje u savremeni život grada. Sinergija između lokalnih i gradskih vlasti omogućila je konkretne korake ka realizaciji ovog važnog poduhvata. Obnova Bistrik kule simbolizira spoj tradicije i modernosti, čime se osnažuje veza između Sarajeva, njegove historije i budućnosti.

### Obnova jednog od najvažnijih spomenika iz austrougarskog perioda

Potpisivanjem Sporazuma o zajedničkom projektu obnove Bistrik kule, načelnik Općine Stari Grad Sarajevo, Irfan Čengić, i gradonačelnica Sarajeva, Benjamina Karić, ozvaničili su početak značajnog poduhvata za očuvanje kulturno-historijskog naslijeđa glavnog grada. Projekat se odnosi na obnovu jednog od najvažnijih spomenika austrougarskog perioda, smještenog na Čolinoj kapi kao dijela kompleksa Astronomske opservatorije na Trebeviću.

Načelnik Čengić iskoristio je priliku da zahvali gradonačelnici Karić na značajnom doprinosu razvoju Općine Stari Grad Sarajevo tokom njenog mandata. "Iza sebe ostavlja brojne projekte poput novih vrtića, obnovljenih škola, fasada, Apelove ceste, Darive, igrališta, te kulturnih i zabavnih manifestacija. Želim joj mnogo uspjeha u obavljanju dužnosti načelnice Općine Novo Sarajevo," poručio je načelnik Čengić.



*Zajednička obnova Bistrik kule*

### Važan korak ka očuvanju kulturno-historijskog naslijeđa

Bistrik kula svjedoči o bogatoj historiji Sarajeva i predstavlja važan simbol lokalnog identiteta. Općina Stari Grad je izradila idejni projekat obnove i pribavila mišljenja nadležnih ustanova, budući da je riječ o zaštićenom području. Prema riječima načelnika Čengića, naredni koraci uključuju izradu glavnog projekta i izbor izvođača radova. Važno je napomenuti da je kula u vlasništvu Općine Stari Grad, dok drugi objekat unutar kompleksa pripada Kantonu Sarajevo.

Obnova Bistrik kule predstavlja važan korak ka očuvanju kulturno-historijskog naslijeđa i unapređenju turističke ponude Sarajeva. Bistrik kula će, nakon obnove, postati još jedno mjesto od velikog značaja za građane i turiste, povezivajući prošlost i sadašnjost kroz jedinstvenu priču o Sarajevu.



*Načelnik Čengić i gradonačelnica Karić u obilasku Bistrik kule na Trebeviću*



## Aktuelni projekti

# Projekti za razvoj i unapređenje Starog Grada

**Općina Stari Grad Sarajevo kroz aktuelne projekte pokazuje posvećenost unapređenju infrastrukture, podršci lokalnoj zajednici i očuvanju kvalitetnog života svojih građana.**

**R**ealizacijom brojnih infrastrukturnih i društveno korisnih projekata, Općina Stari Grad unapređuje svakodnevni život svojih građana. Od obnove ključnih saobraćajnica i ulica, preko podrške obrazovnim i zdravstvenim institucijama, do jačanja energetske efikasnosti, ovi projekti reflektuju posvećenost lokalnih vlasti stvaranju boljih uslova za svakodnevni život, čime se doprinosi održivom razvoju zajednice. Također, posebnu pažnju Općina posvećuje mladima, socijalno ugroženim grupama i očuvanju kulturne baštine, s ciljem stvaranja harmoničnog i sigurnog okruženja za sve generacije. Među najistaknutijim projektima, tu su izgradnja Muzeja "Mersada Berbera", obnova Srednje škole poljoprivrede i veterine, energetska efikasnost na Ekonomskom fakultetu, rekonstrukcija vrtića "Agan Bostandžić", te unapređenje infrastrukture kroz rekonstrukciju ulica i saobraćajnica. Ovi projekti, uz podršku relevantnih institucija, imaju dugoročni pozitivan uticaj na razvoj Starog Grada, čineći ga modernim, sigurnim i pristupačnim za sve njegove građane.

## Obnova JU Srednje škole poljoprivrede, prehrane, veterine i uslužnih djelatnosti Sarajevo

U saradnji sa Vladom Kantona Sarajevo i Gradom Sarajevo, trenutno se izvode radovi na obnovi fasade i zamjene vanjske stolarije na JU Srednja škola poljoprivrede, prehrane, veterine i uslužnih djelatnosti Sarajevo. Ukupna vrijednost ugovora je oko dva miliona KM. Osim važnosti poboljšanja uslova za odvijanje obrazovnog procesa i energetske efikasnosti, obnova ove zgrade ima i estetski značaj jer se radi o nacionalnom spomeniku BiH. Ranije je načelnik Općine Stari Grad Sarajevo Irfan Čengić potpisao Ugovor o izvođenju radova na sanaciji



*Radovi na obnovi fasade i zamjene vanjske stolarije na JU Srednja škola poljoprivrede, prehrane, veterine i uslužnih djelatnosti Sarajevo*



*Projekat će unaprijediti energetska održivost Ekonomskog fakulteta i smanjiti potrošnju energije*

fasade i zamjeni vanjske stolarije na JU Srednja škola poljoprivrede, prehrane, veterine i uslužnih djelatnosti Sarajevo, zajedno sa gradonačelnicom Benjaminom Karić, ministricom Naidom Hotamuminović i izvođačima radova NEI-MARI d.o.o. Sarajevo.

## Projekat energetske efikasnosti na Ekonomskom fakultetu

U toku su radovi na termoizolaciji vanjskih zidova, stropova i krovova, zamjeni vanjske stolarije, ugradnji termostatskih

ventila i zamjeni sijalica na Ekonomskom fakultetu. Ovaj projekat, podržan sredstvima Vlade Kantona Sarajevo i Federalnog ministarstva prostornog uređenja, značajno će unaprijediti energetska održivost Fakulteta i smanjiti potrošnju energije. Također, planirana je restauracija dijela zgrade iz 1889. godine, uključujući vanjske zidove i stolariju. Ove mjere značajno će poboljšati uslove za više od 3.000 korisnika objekta, uključujući zaposlenike i studente. Ranije je potpisan ugovor o izvođenju radova na implementaciji mjera energetske efikasnosti na Ekonomskom fakultetu Univerziteta u Sarajevu. Ugovor su 15. jula 2024. godine potpisali dekanica fakulteta Meliha Bašić i





*Načelnik Čengić sa ministrom Magodom u obilasku radova na izgradnji Muzeja „Mersad Berber“*

direktor izvođača radova Unigradnja DD, Mustafa Duraković. Ceremoniji potpisivanja prisustvovali su načelnik Općine Stari Grad Irfan Čengić, pomoćnik ministricе za nauku, visoko obrazovanje i mlade Kantona Sarajevo Nihad Šeta, guvernerka Centralne banke BiH Jasmina Selimović, voditeljica projekta Ekonomskog fakulteta Jasmina Mangafić i prodekanica za naučno-istraživački rad Amila Pilav-Velić.

## Izgradnja Muzeja “Mersada Berbera”

U Starom Gradu u toku je izgradnja Muzeja “Mersada Berbera”, ideje pokrenute 2019. godine. Načelnik Čengić potpisao je ključni Sporazum o sufinansiranju projekta rekonstrukcije poslovnih prostora u ulici Zelenih beretki, s ciljem uspostavljanja “Galerije Berber”. Vrijednost projekta je skoro 1,5 miliona KM, s Ministarstvom kulture i sporta KS koje je izdvojilo 300.000 KM za prvu fazu i 600.000 KM za drugu fazu.

## Rekonstrukcija vrtića “Agan Bostandžić”

Radovi na rekonstrukciji vrtića “Agan Bostandžić”, koji se nalazi u starogradskom naselju Širokača, uveliko su u toku. Ovaj vrtić, potpuno uništen tokom agresije na Bosnu i Hercegovinu, konačno će biti obnovljen, nakon višegodišnjeg čekanja i najava o njegovoj rekonstrukciji.



*Načelnik Čengić i gradonačelnik Puharić posjetili gradilište na Širokači*

### Sanacija stambenih objekata u ulici Alije Nametka

Općina Stari Grad Sarajevo okončala je radove na sanaciji stambenih objekata u ulici Alije Nametka, u Mjesnoj zajednici Medrese. Ovi radovi obuhvatili su sanaciju krova, kao i renoviranje kupatila u jednom od stanova. Četiri porodice, ukupno 18 članova, bit će smještene u obnovljene stambene jedinice.

Projekt je pokrenut s ciljem poboljšanja životnih uslova za socijalno ugrožene kategorije stanovništva, a realiziran je nakon zahtjeva građana iznesenih tokom zborova i sastanaka u mjesnim zajednicama.

Projekt rekonstrukcije započeo je u decembru 2023. godine, kada je izdato odobrenje za građenje, a Grad Sarajevo je preuzeo ulogu nositelja projekta. U maju 2024. godine potpisan je ugovor o izvođenju radova, vrijedan 1.896.570 KM, a uz gradonačelnicu Sarajeva Benjaminu Karić, ugovor su potpisali i ministrica Naida Hota-Muminović, načelnik Općine Stari Grad Irfan Čengić, te direktorica JU Djeca Sarajeva Ilda Bekrić. Ovaj projekt predstavlja značajan korak u obnovi infrastrukture za najmlađe u Starom Gradu, a rekonstrukcija vrtića “Agan Bostandžić” drugi je ovakav objekt nakon obnove vrtića “Bulbuli” na Bistriku 2021. godine.

## Aktuelni projekti

### Radovi u ulici Bistrik

Općina Stari Grad u saradnji s Ministarstvom saobraćaja Kantona Sarajevo realizuje još jedan važan infrastrukturni projekat – obnovu ulice Bistrik. Ovaj projekat ima za cilj poboljšanje sigurnosti i kvaliteta saobraćajne infrastrukture u Starom Gradu, a radove su obišli ministar saobraćaja Kantona Sarajevo Adnan Šteta i načelnik Općine Stari Grad Irfan Čengić, te predstavnici Direkcije za puteve KS i izvođača radova. Ovaj značajan infrastrukturni projekat ima za cilj unapređenje sigurnosti i poboljšanje kvaliteta života stanovnika Starog Grada. Radovi obuhvataju obnovu 700 metara saobraćajnice, uz potpunu rekonstrukciju trotoara i modernizaciju odvodnog sistema, uključujući ugradnju novih slivnika i rešetki. Ministar Šteta naglasio je važnost ovog projekta, ističući da će nova saobraćajnica donijeti veću sigurnost za sve učesnike u saobraćaju, ali i estetski unaprijediti izgled ovog dijela grada. „Pored povećanja sigurnosti, obnova će doprinijeti boljoj funkcionalnosti i atraktivnosti Starog Grada“, rekao je ministar Šteta.

Načelnik Čengić istakao je da je ulica Bistrik jedna od najprometnijih u Starom Gradu, s obzirom na njenu blizinu tramvajskim šinama i važnost za svakodnevni saobraćaj. „Ovo je jedan od najznačajnijih projekata koje realizujemo u saradnji s Ministarstvom saobraćaja. Ovakvi projekti su ključni za razvoj lokalnih zajednica i unapređenje cestovne infrastrukture“, dodao je načelnik Čengić.

### Nova fasada za OŠ „Šejh Muhamed ef. Hadžijamaković“

Na Hridu u OŠ „Šejh Muhamed ef. Hadžijamaković“ u toku su radovi na obnovi fasade, koji su dio projekta Akcionog plana EBRD-a „Zeleni gradovi“. Projekt je finansiran sa tri miliona eura bespovratnih sredstava od Evropske unije i osam miliona eura povoljnih kredita od EBRD-a.

Projekat implementira Vlada Kantona Sarajevo od 2022. godine. U planu je poboljšanje energetske efikasnosti na 40 javnih objekata u Kantonu Sarajevo. Od tog broja, 17 ustanova su škole, među kojima i starogradska OŠ „Šejh Muhamed



*Ulica Bistrik imat će novi sjaj*

ef. Hadžijamaković“.

Kao rezultat ovih investicija, očekuje se da će potrošnja energije u objektima i emisije karbondioksida biti prepolovljene. Ovo uključuje i viši kvalitet grijanja i hlađenja, a samim tim i bolju udobnost za korisnike ovih javnih zgrada, kao i značajne uštede u budžetu Kantona Sarajevo.

### Radovi na glavnoj saobraćajnici od Drvenije do Čumurije

Završen dio građevinskih radova na glavnoj gradskoj saobraćajnici od Drvenije do Čumurije, nastavak slijedi na proljeće.

#### Isporuca soli za zimsko održavanje u Starom Gradu

Na osnovu okvirnog sporazuma između Općine Stari Grad Sarajevo i KJKP „RAD“ o uslovima i načinu izvođenja radova redovnog zimskog održavanja lokalnih i nekategorisanih cesta, te javnih staza, uposlenici ovog preduzeća su dostavili industrijsku so za potrebe stanovnika 16 mjesnih zajednica na području općine Stari Grad. So je isporučena na temelju spiskova koje su dostavili sekretari i savjeti mjesnih zajednica, a raspodjela je izvršena na utvrđene lokacije unutar svake od mjesnih zajednica. Građani, u slučaju potrebe, mogu preuzeti so za posipanje stepeništa, pješačkih staza i prilaza u svojim naseljima.

Ukupna dužina saobraćajnice koju će Ministarstvo saobraćaja i Direkcija za puteve KS obnoviti je oko 2,8 kilometara. Uspješno su završeni radovi na prvoj fazi od Skenderije do mosta Čumurija u dužini od 1.080 metara. Obnovljena je saobraćajnica i trotoari sa novim ivičnjacima uz poboljšanje sistema odvodnje. Na proljeće slijedi nastavak radova, postavljanje nove gumene izolacije tramvajskih šina, kao i napredovanje cijelim tokom pruge u pravcu Vijećnice prema Vječnoj vatri.



*Nova fasada i stolarija za osnovnu školu na Hridu*



*Radovi na dionici od Drvenije do Čumurije*



# Završeni važni infrastrukturni projekti u Starom Gradu: Sanacija saobraćajnica, rekonstrukcija vodovoda i uređenje potoka

**Općina Stari Grad nastavlja s realizacijom ključnih infrastrukturnih projekata, čime se poboljšava kvaliteta života građana i unapređuje komunalna infrastruktura**

**O**pćina Stari Grad Sarajevo zaključila je nekoliko značajnih infrastrukturnih projekata koji će unaprijediti kvalitet života u ovoj starogradskoj općini. Sanacija saobraćajnica, rekonstrukcija vodovodne mreže i uređenje potoka samo su neki od projekata koji su završeni, dok su mnogi drugi još u toku. Ovi projekti, koji obuhvataju ključne ulice, predstavljaju veliki korak u modernizaciji infrastrukture, a realizovani su zahvaljujući saradnji s Direkcijom za puteve Kantona Sarajevo i drugim relevantnim institucijama.

## Završeni radovi na sanaciji ulice Paje sokak

U okviru šireg projekta modernizacije saobraćajnih površina, u Općini Stari Grad završeni su radovi na sanaciji ulice Paje sokak, dužine 170 metara. Ovaj projekat, koji je realizovan u saradnji s Direkcijom za puteve Kantona Sarajevo, predstavlja nastavak velikih infrastrukturnih ulaganja na području Starog Grada. Ranije su već završeni radovi na sanaciji ulica Pod Hridom i Hadžijska ravan.

## Završeni radovi u ulici Bistrik basamaci

Jedan od važnih dijelova ovog velikog infrastrukturnog projekta jeste završetak radova na sanaciji ulice Bistrik basamaci. Radovi su obuhvatili obnovu 120 metara duge saobraćajnice, čime je poboljšana kvaliteta saobraćaja u ovom dijelu Starog Grada. Ovaj projekat je, kao i ostali radovi na sanaciji saobraćajnica, realizovan u saradnji s Direkcijom za puteve Kantona Sarajevo. Bistrik basamaci je bila jedna od prioritetnih lokacija za obnovu, s obzirom na važnost ove saobraćajnice za povezivanje centralnih dijelova grada. Također, radovi su uključivali obnovu



*Paje sokak*



*Karpuzova*



*Bistrik basamaci*



*Čolin potok*

trotoara i poboljšanje infrastrukture za pješake.

## Završena rekonstrukcija vodovodne mreže u Starom Gradu

Kroz projekat koji realizuje KJKP "Vodovod i kanalizacija" i Vlada Kantona Sarajevo, uz finansijsku podršku Evropske banke za obnovu i razvoj (EBRD), uspješno je završena rekonstrukcija vodovodnih cjevovoda i priključaka u nekoliko ulica Starog Grada. Do sada je završena rekonstrukcija u ulicama Alajbegovića, Isevića sokak, Karpuzova, Čadordžina, Adžemovića i Sedrenik. Ove mjere predstavljaju jedno od značajnijih ulaganja u vodovodnu infrastrukturu ove općine, s ciljem smanjenja gubitaka vode i poboljšanja snabdijevanja, a radovi će

se nastaviti i na drugim ulicama poput Čemerlina, Hrgića, Toromanova i drugih.

## Uređenje Čolinog i Ramića potoka

Općina Stari Grad također se posvetila održavanju vodnih tokova kroz projekt uređenja Čolinog i Ramića potoka. U sklopu ovog projekta uklanja se otpad, šiblje i mulj iz korita potoka kako bi se osigurao normalan protok vode i smanjio rizik od poplava. Ove preventivne aktivnosti imaju za cilj sprječavanje nakupljanja otpada i začepljenja potoka tokom obilnijih padavina. Ukupna vrijednost radova na uređenju potoka iznosi oko 80.000 KM, a izvođač radova je kompanija Telefongradnja d.o.o. Sarajevo.

Općina Stari Grad kontinuirano ulaže u komunalnu infrastrukturu kako bi stvorila sigurnije i funkcionalnije okruženje za svoje građane, čime doprinosi održivom razvoju i poboljšanju kvaliteta života.

## Novo Općinsko vijeće Stari Grad



# Konstituisano novo Općinsko vijeće Stari Grad Sarajevo

**Za mandatni period 2024-2028. Seid Škaljić iz Socijaldemokratske partije (SDP) izabran je za predsjedavajućeg Općinskog vijeća Stari Grad, a za zamjenike predsjedavajućeg Općinskog vijeća Vedad Deljković iz Demokratske fronte (DF) i Kerim Smailbegović iz Naroda i pravde (NiP)**

U Općini Stari Grad Sarajevo 27.11.2024. godine održana je konstituirajuća sjednica novoizabranog Općinskog vijeća, koje će obavljati svoju funkciju u narednom mandatnom periodu od četiri godine. Sjednici su, osim novoizabranih vijećnika, prisustvovali i članovi prethodnog saziva, koji su na početku sjednice usvojili Zapisnik sa 40. sjednice Općinskog vijeća, održane prošlog mjeseca. U daljem toku sjednice, Nevzeta Mulalić, predsjednica Općinske izborne komisije, podnijela je Izvještaj o konačnim rezultatima Lokalnih izbora održanih 6. oktobra 2024. godine na području općine Stari Grad.

## Verifikovani mandati novih vijećnika

Nakon verifikacije mandata novih vijećnika, uslijedilo je svečano davanje izvjava, pri čemu su se vijećnici obavezali na časno obavljanje svojih dužnosti u skladu sa Ustavom i zakonima, s ciljem što boljeg doprinosa građanima koji su ih izabrali.

Na sjednici je, uz većinsku podršku vijećnika, Seid Škaljić iz Socijaldemokratske partije (SDP) izabran za predsjedavajućeg Općinskog vijeća Stari

Grad za mandatni period 2024-2028. Izabrana su i dva zamjenika predsjedavajućeg Općinskog vijeća Vedad Deljković iz Demokratske fronte (DF) i Kerim Smailbegović iz Naroda i pravde (NiP).

Općina Stari Grad prva među gradskim općinama koja je konstituisala Općinsko vijeće u novom sazivu

## Novoizabrani, načelnik Općine Stari Grad Irfan Čengić je čestitao svim vijećnicima na njihovom izboru

„Zadovoljstvo mi je istaći da je Općina Stari Grad prva među gradskim općinama koja je konstituisala svoje Općinsko vijeće u novom sazivu. Ovo je još jedan pokazatelj naše odgovornosti prema povjerenju koje su nam ukazali naši građani, te naše predanosti zajedničkom radu. Čestitam Seidu Škaljiću, Vedadu Deljkoviću i Kerimu Smailbegoviću na izboru u rukovodstvo Općinskog vijeća. Siguran sam da će u svom novom angažmanu

doprinijeti daljnjem razvoju naše općine“, izjavio je načelnik Čengić.

Načelnik je istakao da očekuje da će novi saziv vijeća biti jednako odgovoran i produktivan kao prethodni, te da će zajednički raditi na realizaciji strateških ciljeva zacrtanih u Strategiji razvoja Općine Stari Grad do 2027. godine. Ključni ciljevi bit će unapređenje konkurentnosti privrede, povećanje zaposlenosti, kreiranje prosperitetnog i inkluzivnog društvenog razvoja, te odgovorno upravljanje infrastrukturom i okolišem.

„Na kraju, želim se zahvaliti građanima



Načelnik Čengić



na ogromnom povjerenju koje su mi ukazali na posljednjim izborima, ostvarivši rekordni broj glasova. To je za mene velika čast, ali i odgovornost. Svjestan sam svih izazova koji su pred nama, ali zajedno, sa svim vijećnicima i građanima, vjerujem da ćemo ostvariti napredak i stvoriti još bolji Stari Grad za sve“, riječi su načelnika Čengića.

## Predsjedavajući Općinskog vijeća Stari Grad: Očekuju nas značajni projekti za razvoj općine i podršku mladima

Predsjedavanje Općinskim vijećem Starog Grada predstavlja veliku čast, ističe Seid Škaljić, predsjedavajući Općinskog vijeća. „Naše vijeće djeluje na prostoru gdje je osnovano Sarajevo i odakle je krenuo razvoj našeg Grada, pa tako i ja, kao i moje kolegice i kolege vijećnici, imamo posebnu odgovornost prema našoj lokalnoj zajednici“, naglašava predsjedavajući Škaljić. Ponovni izbor na poziciju predsjedavajućeg smatra potvrdom da su kolege bile zadovoljne njegovim dosadašnjim radom. „Na isti način, s uvažavanjem i respektom prema svima, nastavit ću raditi na unapređenju naše općine“.

Govoreći o svojim planovima, predsjedavajući Škaljić naglašava da su ciljevi jasno postavljeni. „Planovi su vrlo jasni, a to je realizacija tačaka iz Strategije razvoja Općine Stari Grad Sarajevo. Ovaj planski dokument obuhvatio je sve bitne elemente kako bi naša općina imala puni potencijal koji zaslužuje“, rekao je predsjedavajući Škaljić.

U njegovom radu uvijek će biti poseban naglasak na privrednom razvoju općine, kao i na podršci mladima u različitim poljima njihovog djelovanja. „Očekuje nas mnogo dobrih projekata u narednom periodu“, zaključuje on, uvjeren da će s novim inicijativama i

zajedničkim radom Stari Grad nastaviti napredovati i ostvarivati svoj puni potencijal.

## Zamjenik predsjedavajućeg Općinskog vijeća Vedad Deljković: Velika odgovornost i posvećenost građanima

Imenovanje na funkciju predsjedavajućeg Općinskog vijeća Stari Grad Sarajevo predstavlja veliku odgovornost, kako prema glasačima, tako i prema samoj općini, izjavio je novoizabrani zamjenik predsjedavajućeg Općinskog vijeća, Vedad Deljković. Naglasio je da je njegov cilj biti od pomoći Općinskom načelniku i aktivno doprinosti nastavku pozitivnih procesa koji su započeti u ovoj starogradskoj općini. „Nadam se da će moj rad u Općinskom vijeću Stari Grad biti koristan građanima, kako bi se unaprijedila kvaliteta života u ovoj zajednici“, istakao je Deljković. Govoreći o svojim radnim planovima, Deljković je izrazio želju da ostane dostupan i angažovan za sve građane Starog Grada. Poseban fokus stavlja na poboljšanje uslova života socijalno ugroženih, penzionera, te djece i mladih. Planira se povećanje sredstava za podršku socijalno ugroženim porodicama, pomoć penzionerima s najnižim primanjima, te povećanje stipendija za učenike. Također, podržava inicijative za pomoć mladima u pokretanju vlastitih poslova, izgradnju dječjih igrališta i brojne druge projekte koji će unaprijediti kvalitet života u Starom Gradu. „Vjerujem da ćemo sada, sa novim resursima i posvećenošću, moći ostvariti ove ciljeve na konkretniji i obimniji način“, zaključio je Deljković.

## Zamjenik predsjedavajućeg Općinskog vijeća, Kerim Smailbegović: Fokus na razvoj, mlade i promociju turističkog potencijala

Zamjenik predsjedavajućeg Općinskog vijeća Stari Grad, Kerim Smailbegović, nedavno je preuzeo svoju funkciju, naglašavajući da je ovo za njega velika čast, ali i odgovornost.

„Osjećam veliku odgovornost prema građanima koji su mi ukazali povjerenje na izborima, kao i prema kolegama u Općinskom vijeću koji su me izabrali za dopredsjedavajućeg. Bit ću posvećen svim izazovima i prilikama koje ova pozicija donosi“, istakao je Smailbegović, naglašavajući da će njegov rad biti usmjeren na kreiranje politika, saradnju s općinskim službama i rad na terenu s građanima. Dodao je kako vjeruje da Stari Grad ima ogroman potencijal za dalji razvoj, a da će Općinsko vijeće biti snažna podrška načelniku Čengiću u realizaciji budućih planova. Jedan od ključnih ciljeva za novog dopredsjedavajućeg je promocija turističkog, kulturnog i prirodnog potencijala Starog Grada, kojeg smatra nedovoljno iskorištenim. „Stari Grad ima neiscrpan turistički potencijal i vjerujem da će novo rukovodstvo zajedno s načelnikom raditi na njegovom daljnjem razvoju“.

Pored toga, naglašava važnost ulaganja u mlade, koji su, kako kaže, najvrijedniji resurs svake zajednice. „Mladima moramo pružiti mogućnosti za ostanak u našoj zemlji, gradu i općini. Ulaganje u njih znači ulaganje u budućnost naše zajednice“, poručuje Kerim Smailbegović.



Predsjedavajući Škaljić



Zamjenik predsjedavajućeg Deljković



Zamjenik predsjedavajućeg Smailbegović

## Općinsko vijeće

### Općina Stari Grad prva među gradskim općinama koja je konstituisala Općinsko vijeće u novom sazivu

Općina Stari Grad je postavila standard među gradskim općinama, jer je prva u Sarajevu koja je konstituisala svoje Općinsko vijeće za mandatni period 2024-2028.

Za predsjedavajućeg Općinskog vijeća Stari Grad izabran je Seid Škaljić iz Socijaldemokratske partije (SDP), dok su za njegove zamjenike izabrani Vedad Deljković iz Demokratske fronte (DF) i Kerim Smailbegović iz Naroda i pravde (NiP). Ovaj tim predvodit će vijeće u narednom mandatnom periodu, a njihova odgovornost i predanost služenju građanima bit će ključni za uspješno obavljanje vijećničkih dužnosti. Glavni cilj novog saziva vijeća je raditi u interesu građana koji su ih izabrali, te doprinositi razvoju i dobrobiti Stari Grada.



Seid Škaljić, SDP  
predsjedavajući  
Općinskog vijeća



Vedad Deljković, DF  
zamjenik  
predsjedavajućeg  
Općinskog vijeća



Kerim Smailbegović,  
NiP, zamjenik  
predsjedavajućeg  
Općinskog vijeća



Muamer Mekić, SDP



Dragan Duvnjak, SDP



Selvira Vilić, SDP



Željko Ler, SDP



Sabahudin Arapović,  
SDP



Monika Vilić, SDP



Iman Čoko, SDP



Jahja Muhasilović,  
SDA



Salih Išerić, SDA



Armin Buljugić, SDA



Adi Zahiragić, SDA



Amela Katica Mulalić,  
SDA



Emina Mekić, SDA



Adnan Smajović,  
SDA



Lejla Avdić, SDA



Srđan Simonović, DF



Alem Bakija, DF



Adnan Čengić, DF



Emir Bićo, NiP



Alija Begić, NiP



Nermin Iković, NiP



Zlatan Ljuhar, NS



Timur Vilić, NS



Anes Kurtanović,  
SBiH



Imran Hodžić, SBiH



Alen Čengić,  
Snaga naroda



Sejfo Šehović, NES



Merima Arnautović,  
Naprijed



# Načelnik Čengić sa saradnicima obišao sve mjesne zajednice

**U drugoj polovini novembra realizovani obilasci članova savjeta svih mjesnih zajednica na području općine Stari Grad kako bi se utvrdili prioriteta za Budžet 2025.**



*Aktivno učešće građana u procesu donošenja odluka*

**N**ačelnik Općine Stari Grad, Irfan Čengić, sa saradnicima obišao je članove savjeta svih mjesnih zajednica na području općine, uključujući Kovače, Sumbulušu, Logavinu, Bašćaršiju, Mjedenicu, Ferhadiju, Mošćanicu, Sedrenik, Širokaču, Toka-Džeku, Mahmutovac, Babića-bašču, Vratnik, Bistrik, Hrid-Jarčedoli i Medrese. Sastanci su bili fokusirani na razmatranje prioriteta za Godišnji plan i program održavanja, zaštite, te plan rekonstrukcije i obnove saobraćajnica. Ovi susreti predstavljaju ključnu fazu u procesu pripreme Budžeta Općine Stari Grad za 2025. godinu, s ciljem direktnog uključivanja građana u donošenje važnih odluka.

## Učešće građana u procesu planiranja

Načelnik Čengić naglasio je značaj direktne komunikacije sa građanima, ističući da su njihovi prijedlozi i sugestije ključni za oblikovanje budućih infrastrukturnih projekata. "Posjete mjesnim zajednicama omogućavaju nam da čujemo stvarne potrebe građana i osiguramo da budući projekti budu utemeljeni na njihovim stvarnim zahtjevima. Na ovaj način želimo da planiranje bude što bliže stvarnim potrebama naših sugrađana", rekao je načelnik Čengić.

Nakon usvajanja Nacrta Budžeta Općine Stari Grad za 2025. godinu na posljednjoj sjednici Općinskog vijeća, svi predloženi projekti bit će upućeni u javnu raspravu. Sastanci sa predstavnicima mjesnih zajednica omogućili su detaljnu analizu prioriteta i planiranje konkretnih mjera za poboljšanje infrastrukture i životnih uvjeta na ovom području.

## Nastavak uključivanja građana u proces odlučivanja



*Rukovodstvo Općine Stari Grad*

Ovi obilasci bili su prilika za aktivno učešće građana u procesu donošenja odluka koje se direktno tiču njihovog svakodnevnog života. Načelnik Čengić poziva sve sugrađane da nastave s angažmanom, jer je njihov doprinos ključan za donošenje odluka koje će imati dugoročan pozitivan učinak na kvalitet života u Starom Gradu.

## 40. sjednica Općinskog vijeća



*Sa sjednice Općinskog vijeća*

Redovna 40. sjednica Općinskog vijeća Stari Grad Sarajevo održana je 31.10.2024. godine.

Usvojena je Strategija prema mladima Općine Stari Grad Sarajevo za period 2024-2028. godine. Vijeće je usvojilo i Prijedlog zaključka o davanju saglasnosti na Pravilnik o unutrašnjoj organizaciji i sistematizaciji službi Općine Stari Grad Sarajevo.

Iz nadležnosti Službe za investicije i komunalne poslove usvojeni su prijedlozi odluka o dodjeli parking prostora na trgu Austrije i trgu ispred Doma Oružanih snaga Javnom komunalnom preduzeću "Općine Stari Grad" d.o.o.

Razmatran je Izvještaj o realizaciji Budžeta Općine Stari Grad od 1. januara do 30. oktobra 2024. godine, te su usvojeni Prijedlog Odluke o izmjenama i dopunama Budžeta OSG za 2024. ali i Nact Budžeta za 2025. godinu.

Usvojeni su prijedlozi odluka o proglašenju udruženja i organizacija od značaja za Općinu Stari Grad i to za organizacije Gorska služba spašavanja "Trebević", Kulturno-umjetničko društvo "Bašćaršija", Dobrovoljno vatrogasno društvo "Vratnik" i Udruženje za promociju i unapređenje zdravlja "Generacija".

Služba za civilnu zaštitu informisala je vijeće o poduzetim aktivnostima u vezi pojave klizišta na lokalitetu Bostarići, MZ Širokača i Bistrički potok, MZ Toka-Džeka sa Prijedlogom zaključka. Predloženo je Općinskom vijeću da Općina Stari Grad uplati grant sredstva Istočnom Starom Gradu za realizaciju hitnih mjera povodom ove situacije.

## Klizište i evakuacija

# Evakuacija stanovništva u Starom Gradu

**Osim Ministarstva za rad, socijalnu politiku, raseljena lica i izbjeglice Kantona Sarajevo predvođeno ministricom Endom Pavić - Pečenović, Općina nije primila nikakvu pomoć.**

**O**pćinski štab civilne zaštite Stari Grad Sarajevo poduzeo je sve potrebne mjere za evakuaciju stanovništva s ugroženih područja Mjesne zajednice Širokača, nakon što je Štab civilne zaštite Kantona Sarajevo izdao naredbu za evakuaciju. Kada je naredba izdata, Općina Stari Grad suočila se s ozbiljnim izazovima jer nije dobila potrebnu operativnu ni finansijsku pomoć.

Naime, iako je zahtjev za finansijsku i materijalnu podršku, uključujući smještaj za evakuisane osobe, bio službeno upućen Kantonu Sarajevo, osim Ministarstva za rad, socijalnu politiku, raseljena lica i izbjeglice KS predvođeno ministricom Endom Pavić - Pečenović, Općina nije primila nikakvu pomoć. Svi napori, od organizacije evakuacije do smještaja, poduzeti su isključivo od strane Općine Stari Grad Sarajevo.

Evakuacija, koja je obavljena u novembru, nije bila iznenadna niti improvizovana, već je bila pažljivo planirana i pripremljena, u okviru prethodno definisanog Plana evakuacije. Stanovnicima ugroženih područja MZ Širokača ponuđene su stambene jedinice u dobrom stanju, a obavljani su i razgovori sa svim zainteresiranim građanima. Oni koji su pristali na izmještanje imali su priliku pregledati ponuđene stambene prostore prije nego što su donijeli konačnu odluku o preseljenju. Općina Stari Grad nije nudila kolektivni smještaj, već isključivo pojedinačne stanove ili kuće.

Kao dodatnu mjeru, Općina je raspisala Javni poziv za prikupljanje ponuda za davanje u zakup stambenih jedinica, kako bi osigurala odgovarajući smještaj za evakuisane porodice. Svi ovi koraci, prema riječima nadležnih, bili su usmjereni na što brže i efikasnije rješavanje problema uzrokovanih klizištima.

## Održana 5. vanredna sjednica Štaba civilne zaštite Općine

Na 5. vanrednoj sjednici Štaba civilne zaštite Općine Stari Grad Sarajevo koja je održana 30.10.2024. godine načelnik Općine, Irfan Čengić je informisao Štab civilne zaštite da je prema prijedlogu



*Stanje na terenu se prati 24h*

Štaba donio Odluku o proglašenju stanja prirodne nesreće usljed pojave aktivnog klizišta prouzrokovane ljudskim faktorima, s obzirom na neposrednu opasnost za život i materijalna dobra na području općine Stari Grad, u mjesnoj zajednici "Širokača".

Štab je razmatrao i usvojio "Plan evakuacije i zbrinjavanja stanovništva" za područje MZ "Širokača", uključujući ulice Bostarići i Ablakovina.

Također, razmatran je zapisnik sa zaključcima dostavljen od strane Opštine Istočni Stari Grad, koji navodi da je jedna od hitnih interventnih mjera potrebno izvođenje oborinskih voda iz propusta van zone odlagališta. Također, predlaže se čišćenje odvodnog kanala iznad puta u zoni odlagališta kako bi se spriječilo zadržavanje oborinskih voda i njihovo procjeđivanje u zonu odlagališta.

## Sastanak u Istočnom Starom Gradu u vezi rješavanja klizišta

U Istočnom Starom Gradu 05.11.2024. godine je održan sastanak na kojem su učestvovali predstavnici vlasti u Kantonu Sarajevo, Federaciji BiH i Republici Srpskoj, s ciljem razmatranja hitne sanacije klizišta na teritoriji Opštine Istočni Stari Grad, a koje ugrožava naseljeno područje u Općini Stari Grad Sarajevo. Sastanku su prisustvovali: premijer Kantona Sarajevo Nihad Uk, Federalna ministrica okoliša i turizma Nasiha Pozder, načelnici općina Stari Grad Sarajevo Irfan Čengić i Istočni Stari



*Načelnik Čengić sa stanovnicima Širokače*

Grad Bojo Gašanović, zamjenik načelnika Istočnog Starog Grada Njegoš Plakalović, dopredsjedavajuća Skupštine KS Jelena Pekić, direktorica Zavoda za izgradnju KS Belma Barlov, direktor Civilne zaštite KS Dženan Brkanić, predsjednik Skupštine Istočni Stari Grad Vladimir Cincar, njihovi saradnici, te predstavnik Savjeta mjesne zajednice Širokača.

Preliminarnim izvještajem Zavoda za izgradnju KS, kao i Izvještajem Interinstitucionalne radne grupe i zaključcima dostavljenim od strane Opštine Stari Grad, ranije su utvrđene, a na sastanku ponovljene konkretne mjere za sanaciju klizišta koje podrazumijevaju: Zaustavljanje odlaganja materijala i postavljanje ograde; Drenaža nožičnom dijelu klizišta i kontrolisano odvođenje vode iz tijela klizišta do najbližeg recipijenta; Geodetski monitoring klizišta; Projekat sanacije padine i Odvožnja materijala prema projektu sanacije padine.

U narednom periodu, a uz saradnju ovih nivoa vlasti, bit će realizovani ovi koraci, a sve aktivnosti će biti u skladu sa preporukama stručnih timova i sigurnosnim standardima.



# Posjeta Zagrebu i Makarskoj: Regionalnu saradnju podići na veći nivo

**Podrška festivalu „Ja bih 5 dana Sarajeva u Zagrebu 2024“ ● Pobratimski Grad Makarska obilježio svečane dane ● Usvojiti pozitivne prakse iz rada lokalnih samouprava u R.Hrvatskoj**

Polovinom oktobra prošle godine, delegacija Općine Stari Grad Sarajevo, u dva navrata je boravila u službenoj posjeti u susjednoj i prijateljskoj Republici Hrvatskoj. Delegaciju je predvodio općinski načelnik Irfan Čengić. Općina Stari Grad odlučila je pružiti pokroviteljstvo 13. po redu festivalu „Ja bih 5 dana Sarajeva u Zagrebu 2024“. Program su organizovali Udruženje za promociju kulture i umjetnosti „Ja bih“, Napretkov kulturni centar Zagreb i Kulturno-informativni centar Ambasade BiH u Zagrebu, a zamišljen je po konceptu da Zagrebu donese neke od najnovijih i provjerenih umjetničkih programa: filmove, koncerte, izložbu, predstave, evente, koji Sarajevo i BiH prezentuju u najboljim gradskim prostorima. U okviru festivala, nastupe su imali KUD „Baščaršija“ i DJ Mahir Beathouse iz Starog Grada koji su zatvorili petodnevni program nastupom na platou ispred Napretkovog nebodera. Uz načelnika Čengića, Općinu Stari Grad na ovom zagrebačkom festivalu predstavljali su i općinski vijećnici Vedad Deljković i Jasmin Skorupan.

Za vrijeme boravka u Zagrebu, načelnik Irfan Čengić se susreo sa bivšim predsjednikom Republike Hrvatske, Ivom Josipovićem, sa kojim je razgovarao o aktualnoj političkoj situaciji.

## Pobratimski Stari Grad i Makarska: Zajednički iskoristiti sredstva iz EU fondova

Delegacija Općine Stari Grad, predvođena načelnikom Irfanom Čengićem, na poziv makarskog gradonačelnika Zorana Paunovića, obilježila je 24. oktobar, Dan Grada Makarska. Proslava Dana grada uključivala je višednevne kulturne i zabavne aktivnosti uz centralni događaj Svečanu sjednicu Gradskog vijeća Grada Makarska. U ime svih predstavnika po-



*Gradonačelnik Paunović i načelnik Čengić: Unaprijediti saradnju*

### Uspješno organizovane sportske lige za starogradske osnovce, nastavak na proljeće

Nakon pet godina Općina Stari Grad ponovo je pokrenula popularna sportska ligaška takmičenja za svoje osnovce. Od početka Školske godine 2024/2025 starogradske osnovci imali su priliku takmičiti se u fudbalu, košarci i odbojci. Jesenji dio takmičenja su završeni, a nastavak slijedi nakon zimskog raspusta. U fudbalu ali i košarci, najbolje rezultate su dosad pokazali učenici iz OŠ „Edhem Mulabdić“. Mlade odbojkašice iz OŠ „Hamdija Kreševljaković“ veliki su favoriti za osvajanje titule na proljeće

bratimskih gradova na sjednici se obratio općinski načelnik Irfan Čengić. „Smisao partnerskih gradova i općina jeste da zajednice koje predstavljamo imaju povezanost i obostrani benefit. Naše dvije lokalne zajednice godinama saraduju, a sada želimo tu saradnju podići na veći nivo kroz zajedničku realizaciju projekata iz EU fondova“, poručio je na sjednici načelnik Čengić. Svečanoj sjednici u Makarskoj je prisustvovao i predsjednik Republike Hrvatske Zoran Milanović.



*Općinska delegacija u Zagrebu*



*Susret sa predsjednikom Milanovićem u Makarskoj*



*Josipović i Čengić: Razgovor u Zagrebu*



## Rad za dobrobit zajednice



# Veliki infrastrukturni projekti za napredak lokalne zajednice

**Obnova škola, igrališta i biciklističkih staza, te ulaganja u kulturne prostore: Općina Stari Grad Sarajevo nastavlja sa značajnim projektima za kvalitetniji život građana**

Općina Stari Grad Sarajevo nastavlja sa realizacijom brojnih infrastrukturnih projekata koji imaju za cilj poboljšanje životnih uslova svojih građana. Od energetske efikasnosti u školama, obnove sportskih igrališta, do razvoja biciklističke staze na Trebeviću, svaki od projekata pruža dodatne sadržaje za sve uzraste. Uz podršku Ministarstva za odgoj i obrazovanje Kantona Sarajevo, KJKP Park Sarajevo, kao i brojnih drugih partnera, ovi projekti doprinose unapređenju infrastrukture i stvaranju boljih uslova za djecu, mlade i sve građane Starog Grada.

## Sanirano igralište na Mošćanici

Igralište u Ablagijinom sokaku na Mošćanici, treće od četiri obnovljena igrališta u ovoj mjesnoj zajednici, pono-

### Investicije za budućnost lokalne zajednice

Općina Stari Grad Sarajevo nastavlja s implementacijom važnih infrastrukturnih i kulturnih projekata koji uveliko doprinose razvoju zajednice i poboljšanju kvalitete života svih njenih građana. Ovi projekti ne samo da unapređuju fizičku infrastrukturu, već stvaraju i nove prilike za djecu, mlade i sve ljude željne aktivnog života i kulturnog uzdizanja.

vo je otvoreno za mališane i mlade. Ovaj projekat nastavak je inicijative Općine Stari Grad za unapređenje sportskih terena. U saradnji sa KJKP "Park" Sarajevo, na igralištu su postavljeni novi koševi, golovi, sanirana ograda, te cijela ploha prefarbana. Načelnik Općine Stari Grad Sarajevo, Irfan Čengić, istakao je važnost ovih ulaganja, naglasivši da je upravo u

planu obnova sportskog igrališta ispred Osnovne škole „Vrhbosna“.

## Obnova OŠ „Edhem Mulabdić“

U Osnovnoj školi „Edhem Mulabdić“ okončani su radovi na projektu energetske efikasnosti, koji je rezultat uspješne saradnje između Općine Stari Grad Sarajevo i Ministarstva za odgoj i obrazovanje Kantona Sarajevo. U okviru prve faze projekta energetske efikasnosti, škola je dobila 90 novih prozora, izvršena je izolacija učionica i drugih prostorija, te sanacija podrumskih prostora. Također, postavljene su nove klupice na svim ugrađenim prozorima. Vrijednost ovog dijela projekta iznosi oko 530.000 KM, koje je osigurala Vlada Kantona Sarajevo, dok je Općina Stari Grad bila odgovorna za izradu tenderske dokumentacije.

Nedavno je saniran svjetlarnik na kr-



ovu škole, a također je završena i rekonstrukcija kupole, za koju je predviđeno 45.000 KM. Uz to, završeno je i tekuće održavanje fasade, uključujući sanaciju i farbanje, čija je ukupna vrijednost iznosila oko 128.000 KM.

## Obhodža dobila moderan sportski teren

Sportsko igralište u ulici Čorbadži dede Mustafage na Obhodži također je potpuno obnovljeno. U sklopu projekta, asfaltiran je prilazni put, postavljeni novi teretani na otvorenom, zamijenjeni koševi, sanirana ograda, te je cijela ploha igrališta prefarbana. Načelnik Čengić izrazio je zadovoljstvo što je Općina uspjela obnoviti još jedno igralište, a osim toga najavio je nove projekte obnove, uključujući sportske terene ispred škola „Hamdija Kreševljaković“ i „Saburina“.

## Uređena biciklistička staza na Trebeviću

Biciklistička staza na Apelovoj cesti na Trebeviću sada je u potpunosti uređena, čineći ovu popularnu destinaciju sigurnijom i atraktivnijom za bicikliste i šetače. Projekt je realizovan u saradnji sa Udruženjem „Tricikl“, a Općina Stari Grad je obezbijedila sredstva i podršku za fizičko zatvaranje ceste za motorni saobraćaj. Načelnik Irfan Čengić istakao je značaj promocije zdravog načina života i turizma na ovom području, te najavio buduće projekte koji će uključiti osobe sa invaliditetom, čime će biciklistička staza postati još inkluzivnija.

## Gazi Husrev-begova biblioteka dobija prostor za mlade

Općina Stari Grad također je usmjerila pažnju na kulturne projekte, a jedan od najvažnijih je opremanje i uređenje dnevnog boravka za mlade u Gazi Husrev-begovoj biblioteci. Ovaj prostor će služiti kao savremeno mjesto za učenje, istraživanje i druženje, čime će se dodatno ojačati kulturna ponuda Sarajeva. Načelnik Čengić, zajedno sa direktorom biblioteke Dženanom Handžićem, potpisao je ugovor o podršci projektu, dok su tokom posjete imali priliku obići i druge odjele biblioteke, među kojima i Muzej knjige te Arhiv Islamske zajednice.



Sanirano igralište na Obhodži



Načelnik Čengić sa predstavnicima Udruženja „Tricikl“



Uređenje dnevnog boravka za mlade u Gazi Husrev-begovoj biblioteci



# Općina podržava razvoj lokalne zajednice kroz subvencije, sajmove i sportske manifestacije

Projekti koji doprinose većoj socijalnoj jednakosti, zdravlju i razvoju zajednice, te pružaju platformu za mlade generacije da se izraze i razvijaju u pozitivnom okruženju



17. Race for the cure: Tim načelnika Čengića prikupio značajna sredstva

Općina Stari Grad Sarajevo i ove godine nastavlja sa uspješnim realizacijama projekata koji imaju za cilj unaprijediti kvalitet života svojih građana. Kroz subvencioniranje troškova prijevoza za djecu i osobe s invaliditetom, podršku važnim manifestacijama kao što je Dječiji sajam te organizaciju sportskih takmičenja poput Gimnazijade i Festivala sporta, Općina pokazuje posvećenost unapređenju socijalne inkluzije, mentalnog zdravlja i sportskog duha među mladima.

## Održan 9. Dječiji sajam u Sarajevu

U novembru 2024. godine, u Sarajevu je održan 9. Dječiji sajam, najveća manifestacija u BiH posvećena djeci i roditeljima. Slogan ovogodišnjeg sajma, "Bez briga, samo igra", stavlja akcenat

### Uspješno učešće na 17. Race for the cure

Načelnik Općine Stari Grad Irfan Čengić formirao je tim za učešće na 17. humanitarnoj šetnji za ozdravljenje "Race For The Cure. Riječ je o najvećem društveno odgovornom događaju u BiH. Ova manifestacija okupila je brojne učesnike koji su zajedno proslavili život i pružili podršku ženama oboljelim od karcinoma dojke, pokazujući im da nisu same u svojoj borbi.

na prevenciju mentalnih problema kod djece. U svom obraćanju prisutnima, načelnik Općine Stari Grad Sarajevo, Irfan Čengić, naglasio je važnost mentalnog zdravlja djece i potrebu za ranim prepoznavanjem socijalnih i emocionalnih problema. Program sajma uključivao je edukativne radionice, panele o emocional-

noj regulaciji i mindfulness tehnike koje pomažu djeci u razvoju pažnje, samopouzdanja i emocionalne stabilnosti. Cilj ove manifestacije bio je podići svijest o važnosti mentalnog zdravlja i smanjiti stigmatu koja okružuje ovu temu.

## Općina subvencionira troškove prijevoza za djecu i osobe s invaliditetom

Općinsko vijeće Stari Grad Sarajevo donijelo je novi Pravilnik o subvencioniranju troškova prijevoza za djecu predškolskog uzrasta i osobe sa teškoćama i invaliditetom. Ova mjera osigurava da djeca koja pohađaju vrtiće i osobe sa invaliditetom koje učestvuju u okupacijskim radionicama mogu lakše dolaziti do obrazovnih i rehabilitacijskih



institucija. Program subvencija također uključuje i pratioce ovih osoba, čime se omogućava bolja socijalna integracija. Kako bi ostvarili pravo na subvenciju, korisnici moraju ispunjavati određene uslove, uključujući prebivalište na području općine Stari Grad, državljanstvo BiH i dokazano invaliditet ili teškoće. Ova mjera doprinosi ravnopravnosti i lakšem pristupu važnim uslugama za osobe sa specifičnim potrebama.

## Općina podržala održavanje Gimnazijade 2024. godine

Jedno od najvećih sportskih takmičenja među gimnazijalcima, Gimnazijada 2024, održano je uz značajnu podršku Općine Stari Grad. Ovaj događaj okupio je učenike sarajevskih gimnazija koji su se takmičili u futsalu, košarci, odbojci i stonom tenisu, a svi takmičari pokazali su izuzetnu sportsku vještinu i timsku koheziju. Načelnik Irfan Čengić prisustvovao je otvaranju događaja, ističući važnost ovakvih manifestacija u promociji zdravog načina života i izgradnji zajedništva među mladima. Gimnazijada 2024. godine održala se po 23. put, a nagrade su podijeljene na ceremoniji koja je održana 8. novembra. Ova tradicija duguje svoje postojanje još od 1952. godine, kada je osnovano Sportsko društvo „Pavle Goranin“, a od tada gimnazijade predstavljaju simbol prijateljstva, solidarnosti i sportskog duha među mladima.



Načelnik Čengić podržao održavanje Gimnazijade 2024

## Održan festival sporta Kantona Sarajevo

Na trgu ispred sarajevske Vijećnice, održan je prvi Festival sporta Kantona Sarajevo, na kojem je više od 300 djece pokazalo svoje sportske vještine. Ovaj događaj organiziran je uz podršku Općine Stari Grad, Ministarstva kulture i sporta KS, te Turističke zajednice Visit Sarajevo. Učestvovalo je 15 sportskih saveza koji su izvodili pokazne treninge i upoznavali posjetitelje sa različitim sportskim disciplinama. Festival sporta bio je prilika za mlade talente da se predstavie široj javnosti i da nađu motivaciju za dalji razvoj svojih sportskih vještina. Ovaj



Nakon pet godina vratila se sportska takmičenja

događaj još jednom potvrđuje važnost fizičke aktivnosti i sporta u životu djece, kao i značaj zajedničkog angažmana na promociji zdravlja i sportskog duha među mladima.

## Općina obezbijedila ogrjev za 292 domaćinstva u stanju socijalne potrebe

Općina Stari Grad Sarajevo, u okviru svojih aktivnosti na pružanju podrške socijalno ugroženim porodicama, objavila je u septembru ove godine Javni poziv za obezbjeđenje ogrjeva licima u stanju socijalne potrebe za 2024. godinu. Na ovaj način, nastoji se pomoći onima koji su najugroženiji, te obezbijediti im osnovne životne uslove tokom nadolazeće zime. Načelnik Irfan Čengić naglasio je kako se nastavlja pomagati socijalno ugroženima u zimskim mjesecima. „Ne koristimo ovu pomoć za predizborne svrhe. Napravili smo jasan sistem i uslove, a svi koji ispun-

javaju te uslove ostvaruju svoje pravo”, pojasnio je načelnik.

Komisija zadužena za postupanje po aplikacijama, koja je imenovana rješenjem Općinskog načelnika, izvršila je detaljan pregled svih prijave. Ukupno su razmotrene 422 prijave, a sekretari mjesnih zajednica su obišli domaćinstva kako bi izvršili provjeru navedenih činjenica. Nakon detaljne analize, utvrđeno je da 292 domaćinstva ispunjavaju uslove predviđene Pravilnikom o ostvarivanju prava na jednokratnu novčanu pomoć i Javnim pozivom. Također, u ovoj go-

dini, 2.859 lica je dobilo pomoć EU u iznosu od 1.131.473,93 KM. Općina Stari Grad jedna od rijetkih koja je pored EU pomoći, osigurala vlastitu pomoć za porodice koje je nisu imale priliku dobiti od EU.

Općina Stari Grad Sarajevo nastavlja s kontinuiranim naporima kako bi pomogla socijalno ugroženim sugrađanima, posebno u periodima kada je to najpotrebnije. Ovaj Javni poziv predstavlja samo jedan u nizu mjera koje Općina poduzima u cilju poboljšanja životnih uslova svojih građana i smanjenja socijalnih nejednakosti.

## “Oldtown Fairytale”



# Zimska čarolija u Starom Gradu: Održana manifestacija “Oldtown Fairytale”

**Općina Stari Grad Sarajevo, u saradnji sa Visit Sarajevo, Unicredit bankom, Coca Colom, Argetom Junior i brojnim drugim sponzorima, pripremila je posebnu zimsko-prazničnu ponudu koja je trajala do 10. januara**

“Old Town Fairytale” – zimska čarolija u Starom Gradu, zvanično je otvorena 10.12.2024. godine na Trgu ispred Katedrale, uz nastup popularnog Mahira Beathouse. Ova manifestacija, koja se održavala na tri lokacije u Starom Gradu, donijela je bogat program sadržaja, dobre muzike i prazničnu atmosferu za sve posjetitelje, građane Sarajeva i turiste.

Na otvaranju su se obratili načelnik Općine Stari Grad Sarajevo Irfan Čengić, gradonačelnik Predrag Puharić, ministar kulture i sporta Kantona Sarajevo Kenan Magoda, generalna direktorica Unicredit banke Amina Mahmutović, te direktor Turističke zajednice Kantona Sarajevo - Visit Sarajevo, Haris Fazlagić.

“Ovo je jedna u nizu manifestacija

koje organizujemo na našim ulicama i trgovima kako bi povećali broj aktivnosti i sadržaja koje imaju posjetioci i turisti u Starom Gradu. Rekordni rezultati u oblasti turizma, zapošljavanja, prometa i visine plate pokazuju da je to ispravan pravac za jačanje lokalne ekonomije. Nadam se da će posjetioci uživati u narednih 30 dana u zimskim radostima u Starom Gradu a posebno za vrijeme oko Nove godine”, naglasio je tada načelnik Čengić.

U organizaciji Općine Stari Grad Sarajevo, uz podršku partnera poput Visit Sarajevo, Unicredit banke, Coca-Cole, Argete Junior i brojnih drugih sponzora, posjetitelji su imali priliku uživati u bogatom zimsko-prazničnom programu, koji je trajao do 10. januara.



*Načelnik Irfan Čengić*



## Manifestacija se održavala na tri lokacije u Starom Gradu

Manifestacija je bila raspoređena na tri lokacije u Starom Gradu: na Trgu ispred Katedrale, Trgu Oslobođenja – Alija Izetbegović, te popularnoj ulici Ferhadija koja spaja ova dva trga.

Jedan od najočekivanijih sadržaja svakako je bilo besplatno klizalište koje se nalazilo na Trgu Oslobođenja – Alija Izetbegović. Klizalište je bilo otvoreno svakog radnog dana od 12:00 do 21:00, a vikendom od 10:00 do 21:00. Svaki klizački termin trajao je dva sata, uz pauzu od 30 minuta za održavanje leda, što je omogućavalo posjetiteljima da se zabave u pravoj zimskoj atmosferi. Svakog vikenda na Trgu Oslobođenja – Alija Izetbegović bio je organizovan bogat dječji program, dok je Trg ispred Katedrale bilo idealno mjesto za uživanje u dobroj hrani, zabavi, koncertima i muzici.



*Praznična atmosfera u Starom Gradu*



*Ministar Kenan Magoda*



*Sa otvorenja prazničnog marketa*



*Bogata gastronomska ponuda*

## Trg Oslobođenja – Alija Izetbegović centar zabave za mališane

U sklopu festivala "Old Town Fairy Tale", Trg Oslobođenja – Alija Izetbegović bio je prava oaza zabave za djecu. Ovaj zimski raj na otvorenom svakodnevno privlači posjetitelje koji uživaju u klizanju i drugim prazničnim sadržajima, čineći starogradske atmosferu još čarobnijom. Djeca su imala priliku uživati u druženjima sa Deda Mrazom i svojim omiljenim likovima, a praznični facepainting bio je nezaobilazan dio zabave, obogaćujući

cjelokupni doživljaj. Festival "Old Town Fairy Tale" je također okupio mnoge mališane na LEGO Store radionici, koja je bila pravi raj za ljubitelje kreativnosti. Djeca su uživala u igri s LEGO kockicama, stvarajući nevjerovatne građevine i izazivajući svoju maštu kroz razne igre i nagradne izazove. Ova radionica bila je odlična prilika za djecu da uče kroz igru, istražuju nove ideje i izražavaju svoju kreativnost.



*Najmlađi najviše uživali na klizalištu*



## Novogodišnji praznici



# Spektakularan novogodišnji program u Sarajevu

**Odlična saradnja institucija ● Nastup regionalnih muzičkih zvijezda ● Rekordna posjeta našoj općini i čitavom gradu**

**O**pćina Stari Grad, Gradska uprava Grada Sarajeva, Vlada Kantona Sarajevo zajedno sa Turističkom zajednicom KS zaslužni su što je Sarajevo bilo najpoželjnija turistička destinacija za novogodišnje praznike u čitavom regionu. Prema grubim procjenama, više od 700.000 posjetilaca iz svih krajeva svijeta, pogotovo regiona, boravilo je u Sarajevu u periodu od 30.12. do 04.01. nove 2025. godine. Za to su itekako zaslužne pomenute javne institucije koje su na najatraktivnijim gradskim lokacijama organizovale besplatne koncerte na otvorenom. Za građane našeg grada i sve njegove posjetioce nastupale su najveće muzičke regionalne zvijezde poput Severine, Nine Badrić, Bajage, Adija Šošeta, Prljavog kazališta i Sare Jo.

Iako postoje protivnici da se javnim

## Nastup domaćih bh. izvođača

Na svim novogodišnjim koncertima priliku da nastupe su imali i bosanskohercegovački izvođači različitih žanrova, čime se dala značajna podrška domaćim umjetnicima. Ispred Vječne vatre 30.12. nastupili su bh. DJ-evi Bonjasky (Bojan Jović) i Indigo (Mirza Rahmanović). Na Trgu Prve brigade policije nastupili su bh. bendovi Radno vrijeme, Zračna kontrola i Nindže iz haustora.

novcem finansiraju novogodišnji koncerti, struka ipak smatra drugačije. Organizacija javnog dočeka Nove godine i ulaganje u njega vraća višemilionske iznose i itekako je preporučljiv za održivost Sarajeva, a pogotovo Općine Stari Grad,

kao njegovog turističkog epicentra. Ulice starogradske jezgre uoči i nakon novogodišnjih praznika bile su prepune posjetiocima, a u većini ugostiteljskih objekata se tražila stolica više. Mnogi od njih u Sarajevo su došli nakon saznanja da u njemu nastupaju velike muzičke zvijezde. Građani i privrednici se zasigurno nadaju da Sarajevo neće biti turistički epicentar regije samo za vrijeme novogodišnjih praznika i Sarajevo Film Festivala.

## Severina u Titovoj ulici pjevala pred 55.000 posjetilaca

Ispred Vječne vatre, Severina i 10 članova njenog muzičkog orkestra uveli su oko 55.000 posjetilaca u Novu 2025. godinu. Riječ je o najvećoj posjećenosti





*Velika posjećenost koncertima na Trgu Prve brigade policije*

jednom javnom događaju u Titovoj ulici. Pomno odabrani repertoar sastojao se od 30-ak najvećih Severininih hitova, a posebno za ovu priliku, proširila ga je s nekim od njoj najdražih pjesama, poput „Sarajevo, ljubavi moja“ Kemala Montena, s kojom je brojne posjetitelje, uvela u Novu 2025. godinu. Na pozornici joj se pridružio i gradonačelnik Sarajeva Predrag Puharić. Prije Severine, svojim nastupom oduševio je i sve popularniji bosanskohercegovački umjetnik Adi Šoše. Dan prije, 30.12. posjetitelji su uživali u energičnom nastupu pjevačice Sare Jo.



*Nastup Nine Badrić u Starom Gradu*

## Trg Prve brigade policije u Starom Gradu: Nina Badrić, Prljavo kazalište i Bajaga

Nastvak novogodišnje idile nastavljen je u Starom Gradu na Trgu Prve brigade policije ispred Vijećnice. Serija koncerata započela je 2. januara nastupom popularne hrvatske pjevačice Nine Badrić, koja je

svojim emotivnim i energičnim nastupom oduševila publiku. Sljedeći dan, 3. januara, nastupili su legendarni Bajaga i Instruktori, koji su uz svoje najpoznatije hitove ponovo pokazali zašto su jedni od najvoljenijih muzičara bivše Jugoslavije. U četvrtak, 4. januara, koncertne noći su zatvorili Prljavo kazalište, kulturna rock grupa, sa svojim neprevaziđenim pjesmama. Svi koncerti bili su besplatni i privukli su veliki broj posjetilaca, koji su u izuzetnoj atmosferi uživali u vrhunskim muzičkim izvedbama.



*Bajaga pjevao stare hitove*



*Nastup Prljavog kazališta*



## Novi projekti

# Postavljanje fotonaponske elektrane na krovu zgrade Općine Stari Grad Sarajevo

**Općina Stari Grad Sarajevo pokreće projekat energetske efikasnosti kroz instalaciju solarnih panela na svom administrativnom objektu**



*Izgradnja fotonaponske elektrane na krovu administrativnog objekta Općine Stari Grad Sarajevo*

Jedan od ključnih strateških projekata predviđenih u Strategiji razvoja Općine Stari Grad Sarajevo za period 2024. do 2027. godine, jeste nabavka i izgradnja fotonaponske elektrane na krovu administrativnog objekta Općine Stari Grad Sarajevo. Ovaj projekat ima za cilj jačanje energetske efikasnosti i korištenje obnovljivih izvora energije, što postaje sve važniji trend u Bosni i Hercegovini. Fotonaponski paneli, koji postaju sve prisutniji u elektroenergetskom sektoru, predstavljaju ključni korak ka smanjenju zavisnosti od fosilnih goriva i očuvanju okoliša.

Načelnik Općine Stari Grad, Irfan Čengić, ističe da je energetska efikasnost prioritet za lokalnu zajednicu: „Cilj mi je da realizujemo što više projekata iz naše Strategije razvoja Općine, kojima čuvamo i proizvodimo energiju. Energetska efikasnost je veoma važna za našu lokalnu zajednicu, zbog čega realizujemo niz projekata utopljanja objekata, a ovim projektom započinjemo i proizvodnju električne energije. Vrijeme je

da zelenu agendu prebacimo sa riječi na konkretna djela.“

Projekat postavljanja fotonaponske elektrane na krovovima objekata A, B i C administrativnog sjedišta Općine Stari Grad uključuje instalaciju 130 solarnih panela i tri različite vrste invertera. Ukupna instalirana snaga elektrane iznosi 70 kW. Ovaj sistem će omogućiti Općini da proizvede energiju za vlastite potrebe, čime se smanjuje zavisnost od vanjskih izvora električne energije. Proizvedena energija moći će se pratiti putem aplikacije koja omogućava uvid u potrošnju, efikasnost sistema i ostvarene uštede.

Paneli će uskoro biti pušteni u funkciju, a podršku ovom projektu dala je i Vlada Federacije Bosne i Hercegovine sufinansirajući ga. Također, u saradnji s Razvojnim programom Ujedinjenih nacija (UNDP), Općina Stari Grad Sarajevo implementira slične projekte na objektima tri osnovne škole u ovom naselju – OŠ “Mula Mustafa Bašeskija” na Sedreniku, OŠ “Vrhbosna” u Faletićima i OŠ “Hamdija Kreševljaković” na Vratniku. Očekuje se da će i ove škole biti op-



*Projekti vrijedni 7 miliona KM*



*Fotonaponske elektrane na krovovima objekata A, B i C*

remljene fotonaponskim elektranama do kraja godine.

Ovi projekti predstavljaju značajnu investiciju u iznosu većem od 7 miliona KM za unapređenje obrazovnih objekata na području općine Stari Grad Sarajevo, čime se doprinosi održivom razvoju i zaštiti okoliša.



# Heroji se nikada neće zaboraviti: Općina Stari Grad obilježila 28. septembar, Dan formiranja brigada Armije Republike Bosne i Hercegovine na području Starog Grada

**Inicijativu pokrenulo Udruženje „Druga brdska brigada“ i Udruženje boraca „115. brigada“ Stari Grad Sarajevo**  
 ● Događaj okupio brojne borce, njihove porodice i predstavnike vlasti ● Delegacije posjetile spomen obilježja širom Starog Grada

Općinski načelnik Irfan Čengić često je isticao važnost određivanja dana u kojem će se odati poštovanje svim brigadama i borcima Armije Republike Bosne i Hercegovine iz Starog Grada. Udruženje boraca „115. brigada“ Stari Grad Sarajevo i Udruženje „Druga brdska brigada“ obratili su se molbom općinskom načelniku Irfanu Čengiću da se svake godine 28. septembar obilježava kao Dan formiranja brigada Armije Republike Bosne i Hercegovine na području Općine Stari Grad Sarajevo. Na prijedlog načelnika Irfana Čengića, Općinsko vijeće Stari Grad Sarajevo, na 38. redovnoj sjednici, održanoj dana 28.06.2024. godine, je usvojilo Odluku o utvrđivanju dana formiranja brigada Armije Republike Bosne i Hercegovine na području Općine Stari Grad Sarajevo. Kultura sjećanja je ključna



*Veliki broj posjetilaca na Svečanoj akademiji*

strategija protiv zaborava, a Općinsko vijeće Stari Grad Sarajevo je usvajanjem ove Odluke pokazalo opredjeljenost da na svaki način doprinese očuvanju kulture sjećanja.

Nakon višemjesečnih priprema, 28. septembra 2024. godine, prvi put i na veoma svečan način uz bogat i primjeren kulturno-umjetnički program obilježen je Dan formiranja brigada Armije Republike Bosne i Hercegovine na području Općine Stari Grad Sarajevo. Centralna svečanost održana je u Multimedijalnoj sali Memorijalnog centra Sarajevo na Kovačima.

## Načelnik Čengić: Ovaj datum je nastao iz ljubomora

Svečana akademija na Kovačima okupila je brojne zvanice, uključujući predstavnike vlasti, borce i građane. Oni su se okupili da odaju počast herojima koji su se borili za slobodu i nezavisnost naše zemlje. Brigade formirane na području Općine Stari Grad Sarajevo dale su nem-



*Načelnik Čengić sa članovima boračkih udruženja iz Starog Grada*

jerljiv i neprocjenjiv doprinos u borbi za nezavisnost i cjelovitost Bosne i Hercegovine, te time odbranili i hiljadugodišnju tradiciju suživota u Starom Gradu.

„Moram istaći da je ovaj datum nastao malo iz ljubomora. Kada odem u Bužim ili druge općine širom BiH i vidim kako oni slave svoje brigade, svoje heroje i borce. Dok sa druge strane u Starom Gradu smo se okupljali nas dvadesetak uvijek istih ljudi i nedovoljno dostojanstveno obilježavali ono što jesmo mi. Konačno nakon dvije decenije dostojno obilježavamo Dan starogradskih brigada“, poručio je načelnik Čengić na Svečanoj akademiji.

## Posjeta spomen obilježjima širom općine

Prije Svečane akademije, delegacije Općine Stari Grad i Boračkih udruženja Stari Grad položile su cvijeće i proučile Fatihu na čak osam spomen obilježja širom općine. „Ponosan sam što smo to, uz pomoć Općinskog vijeća Stari Grad, uveli obilježavanje ovog datuma. Iskreno se nadam da će se ovaj datum iz godine u godinu obilježavati na još većem i sadržajnijem nivou. To naši borci itekako zaslužuju, jer njima dugujemo veliku zahvalnost za sve što su učinili u ta najteža vremena za našu općinu, grad i državu“, poručio je načelnik Čengić prilikom obilaska spomen obilježja.



